

ԱՐԵՎՄՏՅԱՆ ՀԱՅԱՍՏԱՆԸ 1908—1914 ԹՎԱԿԱՆՆԵՐԻՆ

1. 1908 Թ. ԵՐԻՏԹՈՒՐՔԱԿԱՆ ՀԵՂԱՇՐՋՈՒՄԸ ԵՎ ԱՐԵՎՄՏԱՀԱՅՈՒԹՅԱՆ ՎԻՃԱԿԸ

Սուլթան Աբդուլ Համիդ II-ի բռնակալության դեմ ուղղված իրավագույրի ժողովուրդների ազատագրական շարժումները, մասնավորապես Մակեդոնիայում, ավելի ուժեղացան ռուսական առաջին հեղափոխության ազդեցության տակ։ Հաստեանում էր Բալկանյան նոր ճգնաժամը, սրվում Թուրքիայի ներքին ու արտաքին քաղաքական իրադրությունը։ 1907 թ. դեկտեմբերին Փարիզում կայացած թուրքական և ալյազգի քաղաքական ընդդիմադիր կուսակցությունների ու կազմակերպությունների համագումարը և ստեղծված իրավիճակը երիտթուրքերն օգտագործեցին երկրում քաղաքական իշխանությունը զավթելու համար։ Թեև Փարիզի համագումարում որոշվել էր ընդհանուր զինված ապստամբությունը համիդյան բռնատիրության դեմ սկսել 1909 թ., սակայն երիտթուրքերի Սալոնիկում գտնվող կենտրոնը, մակեդոնական հարցի սրման հետևանքով մեծ տնրությունների միջամտությունը կանխելու նպատակով, որոշեց ապստամբության դրոշ պարզել հենց 1908 թ. ամռանը։ 1908 թ. հունիսի 28-ին Մակեդոնիայի Ռեսնա քաղաքում տեղակայված թուրքական զորամասերը երիտթուրք սպաների ղեկավարությամբ, միանալով ապստամբ մակեդոնացիներին, սկսեցին պայքարը սահմանադրական կարգերի համար։ Շուտով շարժման գլուխ անցավ Սալոնիկում գտնվող «Միություն և առաջադիմություն» երիտթուրքական կոմիտեն։

1908 թ. հուլիսի 23-ին ապստամբած զինքերը հանդիսավոր մուտք գործեցին Սալոնիկ, Մոնաստր և Մակեդոնիայի ուրիշ քաղաքները։ Ամենուրեք հրդեհվում էին 1876 թ. սահմանադրության սկզբունքները և օսմանյան «հեղափոխության» հաղթանակի օրը։ Ահաբեկված սուլթանը հուլիսի 24-ին հատուկ հրամանագրով ազդադարեց 1876 թ. սահմանադրությունը վերահաստատելու և մեջլիսի (պառլամենտի) առաջիկա ընտրությունների մասին։

XX դարի հեղափոխություններին անդրադառնալով, Վ. Ի. Լենինը երիտթուրքական 1908 թ. հեղաշրջումը բնութագրել է որպես բուրժուական հեղափոխություն։ Ինչպես պորտուգալական, նույնպես և թուրքական այդ հեղափոխությունը ժողովրդական չէին «որովհետև ժողովրդի մասսան, նրա վիթխարի մեծամասնությունը ակտիվ, ինքնուրույնորեն, իր սեփական տնտեսական ու քաղաքական սահանքներով նկատելի կերպով հանդես չի եկել այդ հեղափոխություններից և ոչ մեկի մեջ»¹։

Սակայն վերնախավային այդ հեղաշրջումը մեծ հույսեր արթնացրեց ճնշված և իրավազուրկ ազգաբնակչության, մասնավորապես քրիստոնյա հայա-տակների մեջ: Երկրում սկսվեցին հանդիսավոր ցույցեր՝ ազատություն, հա-վասարություն, եղբայրություն լոզունգներով: Բանտերից արձակվեցին հա-զարավոր քաղաքական կալանավորներ, վերադարձան տարագրվածները, վերաց-վեց գրաքննությունը, աշխուժացավ մամուլը, ամենուրեք հիմնվեցին լուսա-վորական օջախներ՝ ակումբներ, միություններ, ստեղծվեցին արհմիություն-ներ: Իրավազուրկ, դարերով կեղեքված, հալածական հայ մարդը մի պահ մո-ռացավ անցյալի մղձավանջը, կարծեց, թե իրոք վերագտել է իր մարդկային ազատությունը, դարձել քաղաքացի, իրավահավասար մարդ երկրում: Այդ իրադարձությունը լայն արձագանք գտավ Եվրոպայում. ոմանք օսմանյան քանապետության ժողովուրդների կյանքում նոր դարագլխի սկիզբ էին նշա-րում, թեև զգալի մտածողները հենց սկզբից էլ գուշակում էին այդ հեղա-շրջման ոչ արմատական բնույթը:

Աշխատասեր և ստեղծագործ հայ ժողովուրդն անմիջապես ձեռնամուխ եղավ իր ավերված, քայքայված տնտեսությունը վերաշինելու գործին: «Ձու-լումի» տարիներին Կովկասում ապաստան գտած արևմտահայերն շտապեցին վերադառնալ հայրենի օջախները՝ հարազատ բնակավայրերը շինացնելու:

Թիֆլիսում 1908 թ. սեպտեմբերին կայացավ հայերի ներկայացուցչական ժողով, արևմտահայերի վերադարձի խնդրով, Կազմվեց մի հանձնաժողով՝ հայ-րենադարձներին օգնելու նպատակով միջոցներ հանգանակելու համար: Հանձ-նաժողովի կազմի մեջ մտնում էին՝ Ս. Դյուրենկյանը, Հ. Սոլովյանը, Ղ. Աղա-յանը, Վ. Փափազյանը, Ծերմակյանը, Գ. Տեր-Հովհաննիսյանը, Գ. Կաֆյանը, Հմ. Վահանյանը և ուրիշներ²: Հազարավոր արևմտահայեր Կովկասից վերա-դարձան Արևմտյան Հայաստան:

Սահմանադրության հռչակման առաջին մեկ-երկու տարում որոշակի աշ-խուժություն ապրեց հայ կրթական-լուսավորական, ինչպես նաև տնտեսական-քաղաքական կյանքը, և մարդիկ կարողացան շատ թե թիշ բարելավել իրենց տնտեսությունը: 1912 թ. մեծ շուքով հայ ժողովուրդը տոնեց իր գրերի 1500-ամյակը: Հայերի ազգային ոգևորությունն ու խանդավառության զգացմունք-ները մի աննախադեպ պոռթկումով դրսևորվեցին տոնական այդ հանդիսու-թյունների օրերին:

Խանդավառ ցույցերի մթնոլորտում, իրավահավասարության և քաղաքա-կան ազատությունների մասին վերամբարձ ճառերի ու ազդարարությունների տպավորության տակ, հայերի միջավայրում որոշ մարդիկ էլ, կորցնելով չափի զգացումը և դրևորելով քաղաքական կարճատեսություն, տալիս էին ազգային պոռոտախոսություն, բերանբացության օրինակներ:

Մինչդեռ օսմանյան Թուրքիայի քաղաքական բեմի վրա նույն դերակա-տարներն էին՝ ավանդական ռազմաֆեոդալական վերնախավը՝ սուլթանի գլխավորությամբ և չափավոր, պոչատ սահմանադրության ջատագովներ՝ Թուրքական շոփինիստական տարրերի՝ երիտթուրքերի կուսակցությունը, որը ձգտում էր կիսել իշխանությունը սուլթանի հետ և ոչ թե վերացնել միապե-տությունը, Ահա թե ինչու սահմանադրությունը վերահաստատելուց հետո, Երիտթուրքերը բավարարվեցին Սալոնիկից 500 հոգի ուղարկելով սուլթանին

շնորհակալություն հայտնելու և պաշտոնազուրկ շարեցին նրա կողմնակիցներին ոչ միայն մայրաքաղաքում, այլև նահանգներում, ժողովրդական խանդավառությունը չափազանց կարճատև եղավ և շուտով փոխարինվեց լիակատար հիասթափությամբ։ Օսմանյան «հեղափոխության» գլուխն էր անցել թուրք բուրժուականաժառանգական և ռազմական խմբավորման մեծապետական շովինիզմի գաղափարախոսությամբ զինված քաղաքական մի կուսակցություն։ Երիտթուրքերը ձգտում էին իրենց տիրապետության տակ պահել ազատագրական շարժման ուղին թևակոխած ճնշված ազգություններին, կրկին օսմանյան լծի տակ առնել Բալկանների արդեն ազատագրված ժողովուրդներին, ետ նվաճել Ղրիմը, զավթել Անդրկովկասը և այլն։ Նրանք ցանկանում էին զերիշխող դիրք ապահովել ազգային նորաթուխ բուրժուազիայի համար, նրկրի տնտեսական կյանքից դուրս մղել այլազգի բուրժուազիային և մրցակիցներին, ամրապնդել թուրքական ֆեոդալիզմի տիրապետությունն աշխատավորական ղանգվածների նկատմամբ։

1908 թ. սեպտեմբերին երիտթուրքերը հրապարակեցին իրենց քաղաքական ծրագիրը, ուր գործնական ուղին չէր ասվում աշխատավորների սոցիալական պահանջները բավարարելու մասին։ Դյուղացիներին հող տրամադրելու առթիվ ծրագրում ասված էր. «միջոցներ ձեռք առնել գյուղացիների կողմից հող ձեռք բերելու գործը հեշտացնելու համար, այն պայմանով, որ շխախտվեն ներկա սեփականատերերի օրենքով պաշտպանվող իրավունքները»³։ Դրանով, փաստորեն, ճանաչվում էին մինչ այդ կատարված հողային զավթումները, օրինականացվում Արևմտյան Հայաստանում թուրք բեգերի ու թուրք փաշաների, ինչպես և մուսափրների (Բալկաններից ու Կովկասից եկած մահմեդական գաղթականներ) ապօրինի զավթումները, հարստահարություններն ու կողոպուտները։

Չափազանց մշուշապատ ձևակերպում էր ստացել բանվորական հարցը։ Այդ կապակցությամբ ասված էր. «Բանվորների և ձեռնարկատերերի իրավունքներն ու պարտականությունները կարգավորվելու են հատուկ օրենքներով»։

Կայսրության մեջ պաշտոնական լեզուն ճանաչվում էր միայն թուրքերենը, իսկ ընտրությունները փաստորեն կրում էին ձևական բնույթ։ 1908 թ. հոկտեմբերին պառլամենտական ընտրություններին շատ տեղերում ազգային փոքրամասնությունները բոլորովին զրկվեցին մասնակցելու հնարավորությունից։ Երիտթուրքերի ազգային քաղաքականությունը ձևակերպված էր «օսմանացման» բանաձևի մեջ, որը թեև բոլոր հպատակներին հավասար էր ճանաչում օրենքի առաջ, բայց ժխտում էր ազգային հարցի գոյությունը Թուրքիայում, հետապնդելով բոլոր այլազգիների բռնի թուրքացման նպատակ։ 1910 թ. Սալոնիկի կոմիտեի նիստում երիտթուրքերի առաջնորդներից մեկը՝ Բալիաթը, հայտարարել էր. «Թուրքիո մեջ հավասարության մասին այն ստեղծմիայն կարելի է խոսել, երբ բոլոր տարրերն ալ կը ձուլվին, օսմանցի կը դառնան»⁴։

Արդու Համիդ II-ը չէր կարող հաշտվել միահեծանությունը սահմանափակելու փաստի հետ, ուստի գաղտնի նախապատրաստվում էր հաշվեհար-

³ «Красный архив», М.—Л., т. 44, 1931, стр. 17.

⁴ Մ. Սերաբյան, Հայական մղձավանջը, Պոստոն, 1916, էջ 42։

դար տեսնել սահմանադրության ջատագույնների հետ: Այդ փորձը կատարվեց 1909 թ. մարտի 31-ին, երբ մայրաքաղաքում մոտ տասը օր վերականգնվեց սուլթանի միահեծանությունը: Մակեդոնիայից բերված զորամասերը և սահմանադրականների զինված ջոկատները միացյալ ուժերով ճնշեցին խռովությունը: Արդուլ Համիդը վերջնականապես զահագրվեց: Նրա փոխարեն երիտթուրքերն օսմանյան գահին բաղմեցրին կամազուրկ Մեհմեդ V-ին, որը պետք է «թագավորեր, բայց ոչ թե կառավարեր»: Նոր կառավարության մեջ մտան «Միություն և առաջադիմություն» կոմիտեի ղեկավարները, որոնք երկրում հաստատեցին արյունոտ դիկտատուրա: Երիտթուրքերի կառավարությունը օրենքով արգելեց բանվորական զործագույնները, արհմիությունները:

Իշխանությունը զավթելուց հետո երիտթուրքերը սաստկացրին ազգային ճնշման և հալածանքի քաղաքականությունը հատկապես հայ ժողովրդի նկատմամբ: Սահմանադրության հուլիսյան մեկ տարի շանցած, 1909 թ. զարնանը տեղի ունեցավ Ադանայի հայկական կոտորածը, որը լիովին բացահայտեց հին վարչակարգի ջատագույնների և «սահմանադրական» կառավարության քաղաքականության նույնությունը: Սահմանադրության վերահաստատումից ղեկավարված միապետական ուժերն Ադանայի մահմեդական բնակչության մեջ լուրեր էին տարածում, թե սահմանադրությունը, իբրեւ, հայերի կազմակերպած զործն է, որը նրանց մեծամեծ արտոնություններ է բերելու՝ ի վնաս թուրքերի:

1909 թ. մարտի վերջերին Կ. Պոլսից Ադանա էին ուղարկվել հատուկ զործակալներ, որոնք հակահայկական կրքեր էին բորբոքում: Այդ տագնապալի օրերին Ադանայի ժմասնաճյուղի կենտրոնին ստացած հրահանգի համաձայն Կիլիկիոյ, մասնավորապես Ադանայի մեջ, ընդհանուր ջարդ մը պատրաստելու սկսած էր»⁵: Լուրեր էին պտտվում, թե հայերը, իբրեւ, ձգտում են Կիլիկիայում հայկական անկախ օջախ հիմնել: Ադանայի վայր Ջևադ բեյը և զորահրամանատար Ռեմզի փաշան հայերի այդ «մտադրություն» դեմ՝ նախապես զինված ուժեր էին պահանջել⁶: Հայերը տագնապալի մեջ էին: Մթնոլորտը շիկացած էր:

1909 թ. ապրիլի 1-ին զինված խուժանը Ադանայի վայր Ջևադ բեյի և զորահրամանատար Մուստաֆա Ռեմզի փաշայի ցուցումով խուժում է քաղաքի հայկական թաղերը, կոտորելով ոչ միայն դիմադրող այրերին, այլև կանանց ու երեխաներին և կոզոպտելուց հետո հրդեհի ճարակ դարձնում տները, պանդոկները, խանութները, արհեստանոցները: Զարդեր տեղի ունեցան նաև Ադանայի ու Հալեպի վիլայեթների հայաբնակ վայրերում: Զարդերը տեղեցին երեք օր, ապա վերսկսվեցին ափսի կատաղի ուժով ապրիլի 12-ին, երբ Ադանա ժամանեցին, այսպես կոչված, «Ազատության բանակի» զորամասերը, որոնք ևս մասնակցեցին կոտորածներին:

Սղեռնագործությունը նախապես ծրագրված ու թելադրված էր կենտրոնից:

Կ. Պոլսի Հայոց պատրիարքության Ազգային վարչության հանձնաժողովը, ինչպես նաև օսմանյան պառլամենտի կողմից ուղարկված հատուկ հանձնաժողովը (Հակոբ Պապիկյան, Հարություն Մոստիճյան, Յուսուֆ Փեմալ և

⁵ Մեվլան Ջադե Բեֆար, Օսմանյան հեղափոխության մոթ ծայրերը և իթթիհատի հայաշինչ ծրագրերը, Պեյրուք-Լիբանե, 1968, էջ 104:

⁶ Նույն աղբյուր:

Ֆաիզ բեյերը, հետաքննելով Աղանայի եղեռնի պատճառները և հետևանքները, կազմեցին պաշտոնական տեղեկագրեր, որոնց տվյալներից երևում էր, որ եղեռնի զխափոր հանցավորները եղել են կուսակալ Ջևադ բեյը, զորահրամանատար Մուստաֆա Բեմզի փաշան և նրանց հրահանգները տեղերում կենսագործող պաշտոնյաները⁷, Ռազմական ատլանիս ներկայացված տեղեկագրում հետաքննող հանձնաժողովները որոշակիորեն ընդգծում էին այն միտքը, որ ջարդերի զաղափարական ու քաղաքական կազմակերպիչներն այն ուժերն են եղել, որոնք սահմանադրությունը հուլակելուց հետո շարունակում էին ղեկավարվել այն մտայնություններ, թե՛ «Սահմանադրությունը իսլամություն հակառակ է, մեր շարիաթով իսլամներու և քրիստոնյաներու մեջ եղբայրություն չլիար», ուստի համակված էին սահմանադրական կարգը վարկաբեկելու ոգով: Ռազմական դատարանը ամեն կերպ աշխատում էր պատասխանատվությունից փրկել իսկական հանցավորներին՝ հենվելով կեղծ վկայությունների վրա:



Աղանա Բաղաթի տեսարանը

Օսմանյան պառլամենտի 1909 թ. ապրիլի 19-ի նիստում, Աղանայի եղեռնի հարցը քննելիս, մերկացնող ելույթներով հանդես եկան ղեպուտատներ Վարդգես (Հովհաննես) Սերենկյուլյանը, Գրիգոր Զոհրապը, գ-ր Տաղավարյանը, Համբարձում Պոյաճյանը (Մուրադը), թուրք ղեպուտատներից Ռիզա Թևֆիկ բեյը, որն ասաց. «Ֆեդայի ըսելով ի դուր չենք կրնար ամբաստանել հայերը, այո, հայերը ֆեդայի են, բայց ազատությունը վերստանալու համար մեզ օղնող ֆեդայիներ են և մեր կողմն ալ այս տեսակ վարմունք մը տեսնելով հանդերձ, հայերը աշխատում են, որպեսզի մեզմե չբաժանվին, նմանօրինակ ժողովուրդ մը որևէ էերպով չենք կրնար ամբաստանել...»⁸:

⁷ Տե՛ս Յ. Թևրգյան, Կիլիկիոյ աղետը, հ. II, Կ. Պոլիս, 1912, ՎՃ 292, 294:

⁸ Նույն տեղում, էջ 416:

4. Պոլսի Հայոց ազգային ժողովի հատուկ հանձնախումբը հետաքննությունից հետո հայտարարեց, որ Ադանայի եղեռնին զոհ է գնացել ավելի քան 30.000 հայ: Ադանայի վիլայեթում հայ ազգաբնակչությանը հասցրած վնասը կազմում էր շուրջ 20 միլիոն թուրքական լիրա⁹: Զարգարանները հրդեհել էին հայկական 24 եկեղեցի, 16 դպրոց, 232 տուն, 30 հյուրանոց, երկու ֆաբրիկա, 1429 ամառանոց, 253 ագարակ, 523 խանութ, 23 ջրաղաց և բազմաթիվ այլ կառույցներ¹⁰:

Հետաքննության ուղարկված կառավարական հանձնաժողովի անդամներից մեկն էր Հակոբ Էֆենդի Պապիկյանը: Հետաքննության արդյունքի մասին նրա կազմած զեկուցագիրը պարունակում էր բազմաթիվ մերկացնող փաստեր: Այդ էր պատճառը, որ Կ. Պոլսի վերադառնալուց երկու օր հետո Հակոբ Պապիկյանը խորհրդավոր պայմաններում մահացավ, իսկ նրա զեկուցագիրը թանհայտացավ: Մի քանի տարի անց միայն հայերի ձեռքն ընկավ նրա զեկուցագրի սևագիր օրինակը, որը և հրապարակվեց¹¹:

Մերթթուրքերի հայահալած քաղաքականությունը որոշակի դրսևորվեց նաև ադրարային հարցում: Արդու Համիդ II-ի գահակալության վերջին տարիներին մահմեդական իշխող վերնախավերը հայ գյուղացիներից բռնությամբ հափշտակել էին 26.185 կտոր վարելահող, 2501 տուն, 1190 այգի, 1066 շինություն, 460 մարգագետին, բազմաթիվ վանքեր ու եկեղեցիներ և այլն¹²:

1912 թ. նոյեմբերին լիբերալների իթիլաֆական կառավարությունը (օգտորվելով երիտթուրքերի համար ստեղծված դժվարություններից, իթիլաֆիստները 1912 թ. ամռանը գրավել էին իշխանությունը) հատուկ որոշում ընդունեց հողային հարցը հայկական նահանգներում «կարգավորելու» մասին, ապա վարչապետ Քյամիլ փաշան հրահանգ իջեցրեց բոլոր կուսակալներին, պետության կողմից գրամական միջոցներ տրամադրել նահանգներում հողային վեճերը լուծելու նպատակով¹³: Բայց այս բոլոր հայտարարություններն արվեցին միայն թղթի վրա թողնելու համար: Իրականում գյուղացին շարունակում էր ենթարկվել կաշառակեր պաշտոնյաների, վաշխառուների, բեգերի, աղաների ու դատավորների կամայականություններին ու բռնություններին:

Գյուղացիները պահանջում էին վերադարձնել իրենցից հափշտակած հողերը: Նրանք միայն 1911 թ. այդ խնդրով Արևմտյան Հայաստանի գավառներից Հայոց պատրիարքարան ուղարկեցին շուրջ 700 գանգատ ու խնդրագիր: Պատրիարքարանի միջնորդություններին իշխանությունները ցույց էին տալիս դատարաններին դիմելու ուղին: Բայց, ինչպես նշում էր «Բյուզանդիոնը», հողային հարցը լուծել դատարանի միջոցով, կնշանակի վերջին հարվածը հասցնել հայ գյուղացուն, որովհետև առանց կաշառքի գյուղացին չի կարող գործը շահել, կշահի նրան կեղերոզն ու քանտարկոզը, որը կապված է դատավորի հետ¹⁴:

9 Տե՛ս «Մերձավոր ու Միջին Արևելքի երկրների ժողովուրդներ», հ. 5, Սրան, 1970, էջ 301: Նաև՝ B. A. Гурко-Кряжун, История революции в Турции, М., 1923, стр. 60.

10 Տե՛ս Գր. Գալստյան, Մարաշ կամ Գերմանիկ և հերոս Զեյթուն, Նյու-Յորք, 1934, էջ 758—759: Նաև՝ Г. А. Гиббонс, Последние избения в Армении, СПб., 1916, стр. 8, 20.

11 Տե՛ս Հ. Պապիկյան, Ադանայի եղեռնը, Կ. Պոլս, 1919, էջ 21:

12 Տե՛ս «Վաղիրագրերի ժողովածու»... La situation des Arméniens en Turquie, exposée par des documents...*, t. 2, 1913, p. 30—31.

13 Տե՛ս «Ազատամարտ», 14 (27) զեկտեմբերի 1912:

14 Տե՛ս «Բյուզանդիոն», № 4643, 1912:

1913 թ. փետրվարի 5-ի դեկրետով անցկացվեց գյուղացիական գույքի հաշվառում, իսկ փետրվարի 21-ին հրապարակվեց անշարժ գույքի օտարացման կամ փոխանցման մասին օրենքը, որն ընդարձակում էր խոշոր սեփականատերերի իրավունքները և հիմնականում անձեռնմխելի թողնում գյուղացիության ֆեոդալական հարստահարման սիստեմը։ Նրիտթուրքերը պահպանեցին երկրագործական բանկերը, որոնք առաջվա նման նպաստում էին գյուղացիական հողերի կենտրոնացմանը աղաների ու բեզերի ձեռքում։ Այդ բանկերի գործարքների հետևանքը եղավ այն, որ, օրինակ, 1913 թ. մայիսին իլավի շրջանի հայ գյուղացիական հողերի 92%-ը և Մալաթիայի շրջանի գյուղացիների հողերի 27%-ը բռնագրավվեցին հիշյալ բանկերի կողմից՝ վարարելով ժամանակին չվերագործնելու պատրվակով¹⁵։

1911 թ. փետրվարի 14-ին արդարադատության մինիստրին ուղղած բողոքագրում Կ. Պոլսի Հայոց պատրիարքը մատնացույց էր անում այն փաստը, որ հողագործական բանկերի կողմից բռնագրավված հայ գյուղացիների հողերը չնչին գներով հանձնվել էին «ժողովրդի կեղծելիներին ու շահագործողներին»։ Նրիտթուրքերը, շարունակելով ու սաստկացնելով հին կարգերի հարկային քաղաքականությունը, գյուղացիներից բռնագանձում էին կրթական և ճանապարհորդչության տուրք, բայց ո՛չ դպրոցներ էին կառուցում, և ո՛չ էլ ճանապարհներ։ Նրանք նախապես հավաստում էին, որ սուլթան Աբդուլ Համիդի միահեծանության փոխարեն Թուրքիայում կհաստատվեն սահմանադրական-դեմոկրատական կարգերը։ Բայց թե ինչ էր հասկացվում այդ «դեմոկրատական»-ի տակ, որոշակի չէր։ Այդ անորոշությունն ինքնըստինքյան անվըստահություն էր սերմանում ազգային փոքրամասնությունների քաղաքական շրջաններում, որոնք պահանջում էին հույական ազատության, հավասարության և եղբայրության սկզբունքների իրականացման կալուն երաշխիքները։ Համիդյան հին վարչակարգը քննադատող «Ազատություն և համաձայնություն» («Հուրիեթ վե իթիլաֆ») կուսակցությունն օգտագործում էր ազգային փոքրամասնությունների այդ անվստահությունն ու տարակուսանքը, շահելու նրանց համակրանքը օսմանյան պետության ղեկը իր ձեռքը զցնելու համար։

Սակայն թուրք «ազատականներն» ու «առաջադիմականները» սոցիալական վստահելի այն ուժերը չէին, որոնք ընդունակ լինեին Թուրքիան դուրս բերելու դեմոկրատական ազատությունների և առաջադիմության ուղի։ Այսպես կենտրոնացման և կենտրոնացման կողմնակիցները, իշխող թուրք ազգի նույն ռազմաֆեոդալական վերնախավերի և նրանց հետ մերված թուրքական ազգային բուրժուազիայի դասակարգային շահերի արտահայտիչները լինելով, սարսափ էին զգում ավանդական խտրականության վերաբան և իրավահավասարության, դեմոկրատական ազատությունների պահանջներից։ Այդ պատճառով էլ սահմանադրության հռչակումից հետո հաջորդաբար իշխանության գլուխ անցնելով, ո՛չ երիտթուրքերը, և ո՛չ էլ առաջակենտրոնացման կողմնակից համարվող «ազատականները» ոչ մի վճռական քայլ չկատարեցին իրենց խոստացած դեմոկրատական ազատությունները կենսագործելու ուղղությամբ։ Այդ հողի վրա էլ տարաձայնությունները գնալով ավելի էին խորանում ընդդիմադիր թուրքական կառավարող կուսակցությունների և ալլազգի ժողովուրդների քաղաքական շրջանների, հատկապես երիտթուրքերի ու

դաշնակցություն կուսակցության միջև, որոնց համագործակցությունն սկսվել էր Փարիզի համագումարից: Անվատահույսության ու հիասթափության մթնոլորտը ծանրանում էր նաև Թուրքական կառավարող կուսակցությունների արտաքին քաղաքականության ընթացքով, որի հիմքում ընկած էր ուրիշ ժողովուրդների վրա Թուրքական լծի հավերժացման ավանդական շովինիստական մտայնությունը, օսմանյան տիրապետությունը նաև Կովկասի և Ռուսաստանի մահմեդական ժողովուրդների վրա տարածելու ագրեսիվ-ռազմատենչ պլանները, որոնք խրախուսվում էին զերմանական իմպերիալիզմի կողմից:

1908 թ. հեղաշրջումից հետո երիտթուրքերը շարունակում էին Պարսկաստանի հարավ-արևմտյան շրջանների (Ուրմիա լճի շրջանում) օկուպացումը, որը իրագործել էր զեռես Աբդուլ Համիդը 1905 թ. Պարսկաստանում ժաղվալովոզ սահմանադրական հեղափոխական շարժման օրերին: Դրա հետ հաշտվել չէին կարող ո՛չ Ռուսաստանը և ո՛չ էլ Անգլիան: 1908 թ. հոկտեմբերի 8-ին Ավստրիան հայտարարեց Բոսնիան և Հերցեգովինան գրավելու մասին, Սրվում էին իտալա-թուրքական հարաբերությունները, որը հանգեցրեց 1911—1912 թթ. իտալա-թուրքական պատերազմին: Թուրքիան ընդմիջու կորցրեց Տրիպոլիտանիան և Կիրենաիկան (Աֆրիկայում):

Ավելին: Բաղդադ-Երևանի զարգացումը հանգեցրեց Բալկանյան երկրների ռազմական դաշնակցության ձևավորմանը 1912 թ. աշնանը, որի նպատակն էր Թուրքիային դուրս մղել Բալկաններից, Մակեդոնիան, Թրակիան և Ալբանիան ազատել օսմանյան լծից: Թուրքական կառավարությունը հրաժարվեց ինքնավարություն չնորհել Մակեդոնիային և Ալբանիային: Եվ տեղի ունեցավ այն, ինչից այնքան վախենում էին երիտթուրքերը՝ Օսմանյան կայսրության նոր անդամահատումը: 1912 թ. հոկտեմբերից մինչև 1913 թ. օգոստոս ամիսը Թուրքիան ստիպված եղավ հաշակել Բալկանյան երկու պատերազմների դառնությունը:

Առաջին պատերազմն սկսվեց 1912 թ. հոկտեմբերի 9-ին, երբ Չերնոգորիան սկսեց ռազմական գործողությունները, այսպե՛ս նրան հետևեցին դաշնակիցները՝ Նունաստանը, Բուլղարիան, Սերբիան, Թուրքական 412.000-նոց բանակը կարճ ժամանակամիջոցում ջախջախվեց, եվ նոյեմբերի 3-ին Թուրքական կառավարությունն ստիպված էր արդեն հայցել մեծ տերությունների հաշտարար միջնորդությունը: Դեկտեմբերին զինադադար ստորագրելով Սերբիայի և Բուլղարիայի հետ, Թուրքիան հաշտության բանակցություններ սկսեց լոնդոնում, 1912 թ. դեկտեմբերի 27-ին զնայանաժողովը որոշեց ստեղծել Ալբանիայի ինքնավար պետություն, որով Սերբիան զրկվում էր զեպի ծով էլը ունենալու հնարավորությունից: Հաղթողները պահանջում էին, որ Թուրքիայի սահմանը կազմի Միդիա-Ռոդոսթո գիծը, Թուրքիան հրաժարվի Ադրիանապոլսից, Էգեյան ծովի կղզիներից:

Օգտվելով պատերազմում կրած ծանր պարտությունից, և դրա մեղքը բարդելով իթիլաֆական կուսակցության ղեկավարության վրա, երիտթուրքերը 1913 թ. հունվարի 10-ին (23-ին) պետական հեղաշրջում կատարեցին՝ մայրաքաղաքում և նորից իրենց ձեռքը վերցրին կառավարության ղեկը՝ Քյամիլ փաշայի կառավարությանը փոխարինեց «Իթիլհատական» (երիտ-թուրքական) կառավարությունը՝ Մահմուդ Շեքեֆ փաշայի գլխավորությամբ, որը մերժեց հաղթող դաշնակիցների առաջադրած պայմանները հաշտության վերաբերյալ: Այդ հողի վրա վերսկսվեցին ռազմական գործողությունները

1913 թ. փետրվարի 3-ին՝ Թուրքական բանակը դարձյալ ծանր պարտություն կրեց, և Թուրքիան ստիպված էր հաշտվել Ադրիանապոլսի և Յանինի կորստի հետ։ Լոնդոնում վերսկսվեցին հաշտության բանակցությունները, որոնք վերջացան հաշտության պայմանագրի ստորագրումով՝ 1913 թ. մայիսի 30-ին։ Թուրքիային էին մնում Կ. Պոլիսը և նեղուցների ափերը՝ էնու-Միդիա նեղ շերտով։ Իր շեղագրության համար որպես փոխհատուցում Ռումինիան պահանջում էր Բուլղարիայից Հարավային Դորբուշան։

Դաշնակիցների մեջ վեճ բորբոքվեց Մակեդոնիայի և Թրակիայի տերիտորիայի վրա զերիշխանության հասնելու հարցում։ Տարածայնությունները հասցրին Բալկանյան երկրորդ պատերազմի սանձազերծմանը, Թուրքիան օգտվեց այդ բանից ու Բուլղարիայից ետ նվաճեց Ադրիանապոլիսը։ Բուլղարիան կորցրեց Մակեդոնիայի և Թրակիայի մեծ մասը, Ռումինիան տիրացավ Հարավային Դորբուշային։

Առանց Ռուսաստանի աջակցության՝ Բուլղարիայի կորուստներն ավելի մեծ կլինեին, Պատերազմն ավարտվեց 1913 թ. օգոստոսի 10-ին Բուխարեստում կնքված հաշտության պայմանագրով։

Տալով Բալկանյան պատերազմների ընդհանուր գնահատականը, Վ. Ի. Լենինը նշում է, որ զրանք հանդիսանում են «Ասիայում և Արևելյան Եվրոպայում միջնադարի փլուզումը նշանավորող համաշխարհային իրադարձությունների շղթայի օղակներից մեկը»¹⁶։

Պատերազմից հետո Բալկաններում ստեղծվեց ուժերի նոր հարաբերակցություն. Ռումինիան դուրս եկավ Եռյակ միությունից և հարեց Անտանտային, ավելի ուժեղացան կապերը Ռուսաստանի և Սերբիայի միջև, Բուլղարիան հակվեց Եռյակ միության կողմը։ Բուխարեստի հաշտության նախօրյակին Ավստրո-Հունգարիայի հրահրած պրոպագանդայով՝ նոր ուժով բորբոքվեց վեճը Սերբիայի հետ, որը քիչ էր մնում հենց 1913 թ. վերածեք համաեվրոպական պատերազմի։ Ավստրիան ձգտում էր զավթել Սերբիան, Նրա պահանջի ոգով լուծվեց Սկյուտարիի հարցը. մեծ պետությունների ռազմական նավատորմիդի ճնշման տակ՝ Չերնոգորիան հարկադրված էր վերացնել Սկյուտարիի պաշարումը, որը տրվեց Ալբանիային։

Բալկանյան իրադարձությունների նախօրյակին արդեն հայ ազգային ղեկավար շրջանները կորցրել էին հավատը թուրք կառավարող կուսակցությունների հայտարարությունների ու խոստումների նկատմամբ։ Հայերի համար ստեղծված ծանր կացությունը հանգամանորեն բնութագրված է թուրքական պառլամենտի ղեկավարատ Գրիգոր Զոհրապի կազմած հուշագրում, որ նա ներկայացրել էր մեծ վեղիր (վարչապետ) Սաիդ Հիլմի փաշային, 1911 թ. նոյեմբերի 18-ին։ Այնտեղ նշված է, որ սահմանադրության վերահաստատումից հետո անցած տարիների ընթացքում հայկական նահանգներում ոչ մի բարեփոխություն չի կատարվել, որ ջարդերի սպառնալիքը ժողովրդին պահում է մշտական սարսափի մթնոլորտում, որ կառավարության որոշումը զրոյությունը կարգավորելու մասին չի իրագործվել։ Հայերի ծանր կացությունը Զոհրապը բացատրում էր երկու հանգամանքով՝ ա) հայերը, կողմնակից լինելով սահմանադրությանը, միապետական կարգերի կողմնակիցների միջավայրում դիտվել են իբրև թշնամիներ։ Տեղերում այս մտայնությունը քա-

¹⁶ Վ. Ի. Լենին, ԵԺԺ, հ. 23, էջ 44.

բողոքները մի հատուկ խավ են կազմում, որոնցից արդարամտություն ակնկալելը դառնում է անհնարին, բ) Կենտրոնական կառավարությունը հայերով բնակեցված վիլայեթները «վտանգավոր է համարում», ուստի և զիմել է հայերի թվական կազմը նվազեցնելու միջոցներին: «Նկատելի է, որ համիդյան շրջանի վտանգավոր քաղաքականությունը զուլա է բարձրացնում նաև սահմանադրության շրջանի կենտրոնական իշխանության քաղաքականության մեջ»:

Հուշագրում բերված են փաստեր հողային հարցում տիրող ապօրինություններին, հայկական շրջաններում ապօրինի հարկահանությունների մասին և այլն: Հայերի իրավազրկման ու ճնշման փաստերի ֆնտությունը ցույց է տալիս, որ «ամբողջ իրավիճակը հետևանք է ոչ թե դատական, զինվորական և վարչական առանձին պաշտոնյաների հոռի վարմունքի, այլ պետության կողմից նախապես վճռված քաղաքականության»: Ապա արված է ընդհանուր եզրակացություն, թե «այս բոլորն անհնարին է դարձնում նորմալ կյանքը և կասկածի տակ դնում սահմանադրական վարչակարգը»: Ուստի առաջարկվում էր, որ կառավարությունն անհապաղ ձեռնամուխ լինի հայկական նահանգներում բարենորոգումների ծրագրի կենսագործմանը:

Դաշնակցության ղեկավարությունը, կառչած մնալով փարիզյան համաձայնագրին, 1909 թ. օգոստոսին երիտթուրքերի կոմիտեի հետ ստորագրեց մի այլ համաձայնագիր, որով կողմերը պարտավորվում էին պահպանել պետության տերիտորիալ ու քաղաքական ամբողջությունը, պայքարել սահմանադրությունն անշեղորեն իրագործելու համար և այլն: Համաձայնագիրը եղբարեակցվում էր հայտարարությամբ, թե երկու կուսակցություններն, իրեն խրատական նախազգուշացում են ընդունում մարտի 31-ի հեղաշրջման փորձը և Ադանայի աղետը, որոշում են «ձեռք-ձեռքի տված» աշխատել ստանձնած պարտավորությունների իրագործման համար¹⁷: Համաձայնագիրն ստորագրելուց հետո դաշնակցությունը 1909 թ. սեպտեմբերի 1-ին պաշտոնական հայտարարություն հրապարակեց, թե ճանաչում է օսմանյան պետության անկախությունը և ամբողջականությունը, Արևմտյան Հայաստանը նկատելով որպես կայսրության անբաժան մասը¹⁸:

2. ԱԶԳԱՅԻՆ-ԱԶԱՏԱԳՐԱԿԱՆ ԵՎ ՍՈՑԻԱԼԱԿԱՆ ԴԱՐՓՈՒՄՆԵՐՆ ԱՐԵՎՄՏՅԱՆ ՀԱՅԱՍՏԱՆՈՒՄ ԵՐԻՏԹՈՒՐԳԵՐԻ ԿԱՌԱՎԱՐՄԱՆ ՏԱՐԻՆԵՐԻՆ

1908 թ. հեղաշրջումից հետո էլ Օսմանյան կայսրության բոլոր մասերում պահպանվեցին անձի և գույքի անապահովությունը, ազգային հալածանքները, հարկային հարստահարումներն ու ճնշումները: Աշխատավոր զանգվածները կրկին բռնեցին ազատագրական պայքարի ուղին: 1908—1914 թթ. արաբական երկրներում տեղի ունեցան բանվորական և գյուղացիական մի շարք ելույթներ, որոնց նպատակն էր ազգային հարցի հետ միասին լուծել նաև սոցիալական խնդիրները: Նման շարժումներ բռնկվեցին Բալկաններում, Կրետե կղզում և Քուրդիայի այլ մասերում:

17 Տե՛ս «Ազատամարտ», 1909, 24 օգոստոսի:

18 Նույն տեղում: